



*A keni
dëgjuar për*

LIGJET SHPIRTËRORE?



Ashtu siç ekzistojnë ligje fizike që rregullojnë funksionimin fizik të gjithësisë, ashtu ekzistojnë edhe ligje shpirtërore që rregullojnë marrëdhënien tënde me Perëndinë.



Ashtu siç ekzistojnë ligje fizike që rregullojnë funksionimin fizik të gjithësisë, ashtu ekzistojnë edhe ligje shpirtërore që rregullojnë marrëdhënien tënde me Perëndinë.



Perëndia të do dhe të ofron një plan të mrekullueshëm për jetën tënde.

(Vargjet në këtë librushkë duhen lexuar në kontekst me Biblën.)

Dashuria e Perëndisë

“Po, Perëndia aq shumë e deshi botën, sa që e dha Birin e tij të vetëm, që të mos humbasë kushdo që beson në të, por të ketë jetën e përjetshme” (Gjoni 3:16).

Plani i Perëndisë

(Jezusi tha:) “Por unë kam ardhur që të kenë jetë e ta kenë me bollëk” (që ajo të jetë e begatë dhe kuptimplotë) (Gjoni 10:10).

Pse shumica e njerëzve nuk po e jetojnë këtë jetë me bollëk? Sepse..





Njeriu është **mëkatar** dhe **i ndarë** nga Perëndia. Prandaj ai nuk mund të njohë dhe të përjetojë dashurinë dhe planin që Perëndia ka për të.

Njeriu është mëkatar

“Të gjithë u bënë fajtorë dhe humbën madhështinë që u dha Perëndia” (Romakëve 3:23).

Njeriu u krijua që të ketë shoqëri me Perëndinë, por për shkak të egoizmit të tij ai zgjodhi të ndiqte rrugën e vet të pavarur dhe shoqëria me Perëndinë u ndërpre. Këtë mënyrë të jetës pa Perëndinë që tregon indiferencë dhe rebelim kundër Tij, Bibla e quan mëkat.

Njeriu është i ndarë nga Perëndia

“Sepse paga e mëkatit është vdekja” (ndarje shpirtërore nga Perëndia) (Romakëve 6:23).

Perëndia i Shenjtë



Ky diagram tregon se Perëndia është i shenjtë ndërsa njeriu mëkatar. Një humnerë shumë e gjerë dhe e thellë i ndan ata të dy. Shigjetat ilustrojnë njeriun që vazhdimisht mundohet të arrijë Perëndinë dhe jetën me bollëk me përpjekjet e veta, përmes veprave të mira fesë a filozofisë.

Ligji i tretë shpjegon urën e vetme që bashkon njeriun me Perëndinë...



Jezu Krishti është e **vetmja** zgjidhje e Perëndisë për mëkatet e njeriut. Përmes tij mund të njohësh dhe të përjetosh dashurinë që ka Perëndia për ty dhe planin që ai ka për jetën tënde.

Ai vdiq që të mos vdisnim ne


“Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne”
(Romakëve 5:8).

Ai u ngjall nga të vdekurit

“Mesia [dmth. Krishti] vdiq për mëkatet tona, në përputhje me profecitë e Shkrimit të shenjtë, dhe u varros. Ditën e tretë, ai u ringjall nga të vdekurit, siç parathuhej në Shkrimin e shenjtë, dhe iu shfaq Pjetrit dhe pastaj tërë rrethit të apostujve. Më vonë e panë më shumë se pesëqind dishepuj; disa kanë vdekur. por shumica janë ende gjallë”
(I Korintasve 15:3 6).

Ai është rruga e vetme për te Perëndia

"Jezusi u tha: 'Unë jam rruga, e vërteta dhe jeta; askush nuk vjen tek Ati veçse nëpërmjet meje'" (Gjoni 14:6)



Ky diagram ilustron urën e vetme që ndërtoi Perëndia mes Atij dhe njeriut duke dërguar Birin e Tij të vetëm, Jezu Krishtin, që të vdesë në kryq për ne për të paguar dënimin për mëkatet tona.

Nuk mjafton vetëm t'i dish këto tri ligje shpirtërore...



Ne duhet personalisht ta **pranojmë** Jezu Krishtin si Shpëtimtar dhe Zot e atëherë mund të njohim dhe të përjetojmë dashurinë që Perëndia ka për ne dhe planin që ai ka për jetën tonë.

Duhet ta pranojmë Jezu Krishtin

“Megjithatë, disa e pranuan dhe besuan në të. Ai u dha atyre të drejtën të bëheshin fëmijë të Perëndisë”
(Gjoni 1:12).

Jezusin e pranojmë përmes besimit

“Në të vërtetë, vetëm me mëshirë jeni të shpëtuar. Vetvetiu nuk mund të bëni asgjë veçse ta pranoni me besim atë që Perëndia bëri për ju. Shpëtimin tuaj nuk e meritoni, por ai është dhuratë e Perëndisë. Askush nuk mund të mburret para Perëndisë për atë që ka arritur...”
(Efesianëve 2:8-9).

Kur pranojmë Jezusin, fillojmë një jetë të re
(Lexo Gjonin 3:1-8)

Jezu Krishtin e pranojmë me ftesë personale

(Jezusi thotë) "Unë qëndroj para derës dhe trokas: kush e dëgjon zërin tim dhe e hap derën, do të hyj tek ai", (Zbulesa 3:20).

Të pranojmë Jezusin do të thotë që nga rruga e mëkatit të kthehemi (pendohemi) tek Perëndia, ta ftojme atë në jetën tonë që të na i falë mëkatet dhe që të na bëjë ashtu siç dëshiron Ai të jemi. Nuk mjafton që vetëm ta pranojmë intelektualisht që Jezusi është Biri i Perëndisë dhe se Ai vdiq në kryq për ne; nuk mjafton as përjetimi emocional. Por duhet ta pranojmë Atë përmes besimit, si vepër të vullnetit personal.


Këto dy rrethë paraqesin dy jetë të ndryshme:

JETA E DREJTUAR NGA VETJA

Y - Vetja në fron

† - Jezusi jashtë jetës

- Interesat udhëhiqen nga vetja dhe shpesh çojnë në çorientim dhe dëshpërim



JETA E DREJTUAR NGA JEZUSI

† - Jezusi brenda jetës i ulur në fron

Y - Vetja nën drejtimin e Jezusit

- Interesat udhëhiqen nga Jezusi, kjo sjell kënaqësi dhe harmoni sipas planit të Perëndisë



Cili rreth e përfaqëson jetën tënde?

Cili rreth do të kishe dëshirë të përfaqësonte jetën tënde?

Që tani mund ta pranosh Jezusin me besim përmes lutjes

(Lutja është bisedë me Perëndinë)

Perëndia ta njeh zemrën dhe më shumë se fjalët dëgjon atë që të thotë zemra. Besimin tënd mund ta shprehësh me një lutje si kjo:

"Zoti Jezus, kam nevojë për Ty. Faleminderit që ke dhënë jetën për mua në kryq. Unë e hap zemrën time dhe të pranoj si Shpëtimtarin dhe Zotin tim. Faleminderit që m'i fale mëkatet dhe që më dhe jetën e përjetshme. Ulu në fronin e jetës sime dhe udhëhiqe atë, Më ndihmo që të bëhem ashtu siç dëshiron Ti të jem."

A shpreh kjo lutje dëshirën e zemrës tënde?

Nëse po, në këtë çast mund të lutesh kështu dhe ashtu siç ka premtuar, Jezusi do të hyjë në jetën tënde.

Si mund ta dish që Jezusi është në jetën tënde tani

A e pranove Jezusin në jetën tënde? Sipas premtimit të dhënë në librin e Zbulesës 3:20, ku është Ai tani në lidhje me ty? Jezusi ka thënë se do të hyjë në jetën tënde. A do të të kishte gënjyer Ai? Si mund ta dish me siguri se Perëndia i është përgjigjur lutjes tënde? (Përmes besimit në Perëndinë dhe Fjalën e Tij.)

Bibla u premton jetën e përjetshme të gjithë atyre që pranojnë Jezusin

"Kjo dëshmi thotë: Perëndia na dha jetën e përjetshme dhe këtë jetë e marrim me anë të Birit të Tij. Kush e ka Birin e Perëndisë, ka edhe jetën. Kush nuk e ka Birin, nuk e ka as jetën. Po ju shkruaj që ta dini se jetën e përjetshme e keni sepse besoni në Birin e Perëndisë" (1 Gjoni 5:11-13).

Falënderoje shpesh Perëndinë që Jezusi është në jetën tënde dhe që Ai kurrë nuk do të largohet prej teje (Hebrenjve 13:5). Sipas premtimit të Tij, mund ta dish se Jezusi jeton në ty. Ai ta dha jetën e përjetshme në çastin kur e ftove Atë në jetën tënde. Ai kurrë nuk do të të mashtrojë.

Edhe diçka tjetër që është me rëndësi për t'u mbajtur mend...

Mos u mbështet tek ndjenjat

Premtimi i Fjalës së Perëndisë, Biblës, është autoriteti ynë, dhe jo ndjenjat tona. Besimtari në Jezu Krisht jeton përmes besimit në karakterin e vetë Perëndisë dhe në vërtetësinë e Fjalës së Tij. Ky diagram në formën e trenit ilustron lidhjen ndërmjet **faktit** (Perëndia dhe Fjala e Tij), **besimit**, (besimi në Perëndinë dhe në Fjalën e Tij) dhe **ndjenjave** (që janë rezultati i besimit dhe bindjes ndaj Tij).



Treni tërhiqet prej lokomotivës dhe jo prej vagonit të fundit. Vagoni i mesit mban lëndën djegëse që duhet hedhur në lokomotivë, përndryshe treni nuk do të ecë. Në të njëjtën mënyrë, ne si besimtarë nuk mbështetemi në ndjenjat dhe emocionet tona, por në vetë Perëndinë dhe premtimet përmes Fjalës së Tij. (Gjoni 14:21)

Tani që ke pranuar Jezusin

Kur pranove Jezusin me besim si shprehje e vullnetit personal, ndodhën shumë gjëra. Disa nga ato janë:

- Jezusi hyri në jetën tënde. (Zbulesa 3:20; Kolosianëve 1:27)
- Mëkatet t'u falën. (Kolosianëve 1:14)
- U bëre fëmijë i Perëndisë. (Gjoni 1:12)
- T'u dha jeta e përjetshme. (Gjoni 5:24)
- Fillove të zbulosh planin e madh që ka Perëndia për jetën tënde. (Gjoni 10:10; 2 Korintasve 5:17; I Thesalonikasve 5:18)

A ka gjë më të mrekullueshme se sa pranimi i Jezusit si Zot? A dëshiron ta falënderosh Perëndinë përmes lutjes për atë që ka bërë për ty? Duke e falënderuar ti shpreh besimin tënd.

Të shijosh kënaqësinë e jetës së re bashkë me...

Sugjerime për rritjen shpirtërore

Rritja shpirtërore është rezultati i besimit te Jezusi.

"I drejti do të rrojë me anë të besimit" (Galatasve 3: 11).

Një jetë e mbushur me besim tek Jezusi do të të bëjë

t'i besosh Perëndisë gjithnjë e më shumë, të

mbështetesh tek Ai për çdo detaj të jetës tënde dhe të

praktikosh hapat e rritjes si më poshtë:

Referoju Fjalës së Perëndisë, lexoje atë çdo ditë (Veprat 17:11)

- fillo me Ungjillin sipas Gjonit.

Rehatuesi - Lejo Frymën e Shenjtë të të udhëheqë dhe të

të japë fuqi për jetën dhe dëshminë tënde të përditshme

(Galatasve 5:16,17;Veprat 1:8).

I beso Perëndisë për çdo detaj të jetës tënde (1 Pjetrit 5:7).

Tregoju të tjerëve për Jezusin përmes jetës dhe fjalëve të tua

(Mateu 4:19; Gjoni 15:8).

Jepju Perëndisë në mënyrë të vazhdueshme duke iu bindur

Fjalës së Tij (Gjoni 14:21).

Afrohu çdo ditë tek Perëndia duke iu lutur Atij (Gjoni 15:7).

Miqësia me besimtarë të tjerë:

Fjala e Perëndisë na këshillon që të mos harrojmë të mblidhemi së bashku' (Hebrenjve 10:25). Kur janë shumë trugje bashkë ato digjen fare mirë, por po ta veçojmë një nga trugjet ai shpejt do të shuhet. E njëjta gjë ndodh edhe në marrëdhënien tënde me besimtarë të tjerë. Nëse nuk je pjesëtar i ndonjë bashkësie, mos prit të të ftojnë. Merre vetë inicitivën; tako pastorin e një bashkësie të krishterë ku nderohet Krishti dhe predikohet Fjala e Tij. Fillo të shkosh që këtë javë dhe bëhu pjesëtar i rregullt i saj.

Materiale të veçanta për rritje në besim

Nëse arrite ta njohësh Krishtin përmes këtij prezantimi të ungjillit, na shkruaj për materiale të tjera që do të të ndihmojnë të rritesh në besim.

Për më shumë informacion na shkruaj në adresën:

Instituti Jeta e Re, K.P. 2420/I
Tiranë, Shqipëri



designed by tirana-vector.com



**Instituti
Jeta e Re**

www.unejetoj.org

www.jezusi.org



Project: 4LSH Brochure

Color: **Pantone 485 C** Key (Black) 100% Key (Black) 20%

Dimension: 89.1x114.5 mm

Client: Instituti Jeta e Re

Design: Tirana-Vector

Date: 29-12-2009

TIRANA-VECTOR.com



 Pantone 485 C

 Key (Black) 100%

 Key (Black) 20%